

永樂大典

卷二〇〇〇 府字

卷二〇〇一 府字

卷二〇〇六 雌字等

卷二〇〇七 紫字等

永樂大典卷之一萬一千

六姥

府

明府

廣退錄唐人稱縣令曰明府而漢人謂之明廷見范曄書為明傳明府以稱太守山陰老叟稱劉寵劉翊稱种拂高獲稱曠官

皆然西漢傳聞張湛為左馮翊告歸平陵望寺而步主簿進曰明府位尊德重注云郡守所居曰府明府者尊高之稱韓延壽為東郡太守門卒謂

之明府亦其義也雲麓漫抄韓延壽傳明府注郡騎吏稱太守為明府齊

梁人亦如之唐人則以明府稱縣令杜子美詩從二明府續處覓錦竹詩

云華軒藹藹它年到錦竹亭亭出縣高江上舍前無此物韋分蒼翠拂波

濤題終明府水樓云看君宜著王喬履是也既稱令為明府尉遂曰少府

曾慥類說凡飲以一人為明府主斟酌之宜酒儒為曠官謂冷也酒狂為

苛政謂熱也宋索起康集林暉仲墓誌知公者爭招致幕府而郡先處

以曹掾按牘最委公從容涉筆具得領要而邑人欣望曰何為奪我明府

文苑英華駱賓王上駁丘韋明府啓側聞觸龍載翮負垂天而跼形伏

握羈蹄。望絕塵而蹀足。故以遊蓮綫網。集作遇綫。悟宋玉疑於嬰羅。在藻迷波。顧蒙莊於照轍。是以臨淄遺婦。寄束縵於齊隣。邯鄲下客。效虔囊於趙相。伏惟明府公。締跡集作址瓊峯。靈丘集作岳蔽丹霄之景。圖基珠浦。集作溜神派。集作流沃清溪之波。玉札飛文。綜弘詞於楚傳。集作傳金贏緝藝味玄。集作雅道於扶陽。孚蘭晚而生姿。澧灞踵高門之慶。產銅谿而寫鐸。荆藍資象緯。集作德之禎。早集作幼辨羝羊。演飛龍之祕策。夙諱孔雀對家禽之麗詞。赤野浮炫價之光。珠胎瑩色。丹穴陪來儀之迅。鳳姿含彩。靈襟轉壁。絢逸照於蘭池。神府驚蘋。韻清音於桂浦。謨叢散。韶餘芳。集作驅除氣於九蘭。筆海飛濤。駭洪波於八水。於是綰銅麟甸。製錦危郊。化決下車。思乎攬轡。德聲洽詠。仁風飄十地之雄。道化徧謠。惠靈灝三天之渥。狎中牟之馴雉。豈懼驍媒。驚重泉之瑞鸞。非關照舞。雖則塵飛范甌。垂銀有結綬之華。而乃調理密絃。烹雞屈函牛之量。加以招勢白屋。勸誘青衿。延張必於鸞輪。引王終於倒屣。遂使漱流逸客。望驥足以雲蒸。栖泌遺材。集作才款龍門而霧會。賓王緯蕭末品。拾艾幽人。寓跡零壇。抱危直之祕說。托根磬渚。載戰勝之良談。集作圖幸以奉訓起庭。采集作來情田於理窟。從師負笈。芸性識於書圖。集作林至於九流百氏。頗綜緝於三字。

集作忽其異端萬卷五車亦研精集無精字其奧旨將欲優游三樂負杖
以終年栖遲一丘鳴絃而卒歲以隸蔬集作糟雖不謫甘旨之養屢空箠
笥無餘集作賈朝夕之歡宣展是以祈南陽之捧檄擬毛義之清塵思魯
國之執鞭蹈孔丘之餘志屬以商集作茲秋應節素集作爲序戒時臧金
將露玉俱清柳黛與荷綃漸歇寔含毫振藻之日集作際摘集作離經析
理之期不揆凋朽之材竊異違喬之路輒祈泛愛輕用自媒儻荆璞無致
於見疑集作無見致疑夜光不達於非無於字按劍則沉骸九死終望街
珠須首三泉猶希結草載塵清覽一作登矚影外驚集作載塵清矚顯影
外慙冒黜威嚴俯心內駭謹啓上梁明府啓竊聞薛邑聞琴揖馮謨
於彈鋏夷門佇駕顧侯羸於抱關何則志合風雲戴笠均乎乘馬情諧道
術忘筌貴乎得魚是用挹蘭言於斷金效蓮心於匪石庶清音動聽賞流
水於牙絃妙思通神叶薰風於郢匠以上與上張司馬啓同伏惟某公儀
天峙構層基控射牛之峯浸地開源驚濤疏釣鼉之浦至夫封侯廟食掩
金張以騫翥三主七公罩素揚而岳立故得重窺遠鏡湛月露以流清茂
趾霞鋪駕雲門而擢秀若乃傳聞強記辨晉國之黃熊將聖多能識吳門
之白鳥言泉激迴驚瀑布以飛瀾大江澹虛涵濯錦而翻浪自早素揚至

翻浪七十字與上張司馬啓同於是功超食跡位典烹鮮水鏡澄瀾照派
鸞之舞影鳴琴勳操叶馴聲之雅音既而盛德有隣佐皇華而省俗居羣
不器危輜軒而觀風某疾抱支離材均擁腫自弱齡植操本謝聲名中年
誓心不祈聞達始則執鞭爲仕帝里希干祿之榮次則捧檄入官私庭庶
代耕之樂然而忠不聞於十室學無專於一經退異善交進殊巧宦得羊
角而遐翥浩矣無津附驥尾以上馳邀馬難託實欲垂竿枝餌晦名迹於
渭濱抱甕灌園絕機心於漢渚幸屬乾坤貞觀爲允光華嵩山動萬歲之
聲德水應千年之色雖無爲光宅忻預比屋之封而有道賤貧耻作歸田
之賦從自弱齡至之賦一百五十三字與前卷上太常伯啓同明公顧盼
成飾咳唾爲恩漏微潤於江波流末光於隣燭幽禽還木伴丹山於帝梧
鳴石浮川應黃鍾於僊管敢布心也詐能望馬謹啓唐柳宗元集送寧國
范明府序 近制凡得仕於王者歲登名于吏部吏部必參其等列分而
合之率三十人以爲曹謂之甲名書爲三其一歲之有司其二歲之中書
洎門下每大選置大考績必關於會驗而視其成有不合者下有司罷去
甚衆由是吏得爲姦以立威賊知而弄權詭竊竄易而莫示其實必求端
慙而習於事辯達而勤其務者命之官而掌之居三年則又益其官而後

去其職有范氏傳真者始來京師近臣多言其美宰相聞之用以爲是職
在門下甚獲休閑初命京兆武功尉既其成績復於有司爲宣州寧國令
人咸曰由邦畿而調者命東西部尉以爲美仕范生曰不然夫仕之爲美
利乎人之謂也與其給於供備孰若安於化導故來發吾所學者施於物
而已矣夫爲吏者人役也役於人而食其力可無報耶今吾將致其慈愛
禮節而去其欺侮凌暴以惠斯人而後有其祿庶可平吾心而不愧於色
苟獲是焉足矣季弟爲殿中侍御史以是言也告於其僚咸悅而尚之故
爲詩以重其去而使余爲序梁何遜詩敬酬王明府呈稀初可見月出
未成光澄江照遠火夕霞際連橋賤軀臨不測玉體畏垂堂念別已零淚
況乃思故鄉唐駱賓王集和李明府傳聞葉縣復飛向洛陽城馳道臨
層掖津門對小平霞殘疑製錦雲度似飄縵藻悵滿江澈塵虛范甌清誰
怜衝斗氣猶向匣中鳴陳子昂詩送梁李二明府負書猶在漢懷策未
聞秦復此窮秋日芳躅別故人黃金裝屢盡白首契逾新空美雙鳬鳥俱
飛向玉輪李太白詩春日獨坐寄鄭明府驚麥青青遊子悲河堤弱柳
鬱金枝長條一拂春風去晝日飄揚無定時我在河南別離久那堪坐此
對牕牖情人道來竟不來何人共醉新豐酒遊水西蘭鄭明府天宮水

西寺雲錦照東郭。清漪鳴迴溪。綠水繞飛閣。涼風日滿酒。幽客時憇泊。五月思紹裘。謂言秋霜落。石籬引古蔓。岸筍開新箨。吟玩空復情。相思爾佳作。鄭公詩人秀。逸韻宏寥廓。何當一來遊。憶我雪山諾。魏郡別蘇明府。因北遊。魏都接燕趙。美女誇芙蓉。淇水流碧玉。舟車日奔衝。青樓夾兩岸。萬室喧歌鍾。天下稱豪貴。遊此每相逢。洛陽蘇季子。劒戟森詞鋒。六印雖未佩。軒車若飛龍。黃金數百鎰。白壁有幾雙。散盡空掉臂。高歌賦還邛。落魄乃如此。何人不相從。遠別隔兩河。雲山杳千里。何時更杯酒。再得論心胷。肖自漢陽病酒歸。寄王明府。去歲左遷夜郎道。琉璃硯水長枯槁。今歲初放巫山陽。蛟龍筆翰生輝光。聖主還聽子虛賦。相如却與論文章。願掃鸚鵡洲。與君醉百場。嘯起白雲飛七澤。歌吟涿水動三湘。莫惜連船沽美酒。千金一擲買春芳。張九齡曲江集贈澧陽韋明府。君有百鍊刃。堪斷七重犀。誰開太阿匣。持割武城雞。竟與尚書佩。還應天子提。何時遇操宰。當使玉如泥。李嘉祐詩。仲夏江陰官舍寄裴明府。萬室遶江次。孤城對海安。朝霞晴作雨。濕氣晚生寒。苔色侵衣桁。潮痕上井欄。題詩招茂宰。思爾欲辭官。送房明府罷長寧令湖州客舍。君爲萬里宰。息及五湖人。未滿先求退。歸閑不厭貧。遠峯晴更近。殘柳雨還新。要自趨丹陛。明年難樹

親劉文房詩出豐縣界寄韓明府

迴首古原上。未能辭舊鄉。西風收暮

雨。隱隱分芒碭。賢友此爲邑。令名滿徐方。音容想的眼。暫若升琴堂。疲馬

顧春草。行人看夕陽。自非傳尺素。誰爲論中腸。送索明府之任。既有親

人街。還逢試吏年。遂萬千里閑村樹。幾家金。雪覆淮南道。蒼生穎谷煙。何

時當報政。相府待聞天。錢起詩和蜀縣段明府秋城望歸期。製錦蜀江

靜。飛鳧漢闕遙。一茲風靡草。再視露盈條。旅望多愁思。秋天更沉寒。河陽

傳麗藻。清韻入歌謠。長安客舍贈李行父明府。歲器偶時少。知人自古

難。遂今升穴鳳。晚食金琅玕。誰謂兵戈際。鳴琴方一彈。理煩善用簡。濟猛

能兼寬。夙夜念黎庶。寢興非宴安。洪波未靜壑。何樹不驚鶯。鳧鵲傍京華。

忙心縣灌堙。高槐暗苦雨。長劒生秋寒。殊食還時客。飢年亦盡歡。親勞攜

斗水。往往救泥蟠。但恐酬明義。蹉跎芳歲闌。送馬明府赴江陵。陶令南

行心自永。江天極目澄。秋景萬室遙。方犬不鳴。雙鳧下。霞人皆靜。清風高

興得湖山。門柳蕭條雙翟閑。黃花滿把應相憶。落日登樓北望還。送武進

韋明府。理邑想無事。鳴琴不下堂。并田通楚越。津市半漁商。盧橘垂殘

雨。紅蓮折早霜。送君催白首。臨水獨思鄉。獨孤及毗陵集送義烏韋明府

妙年能致身。陳力復安親。不憚關山遠。寧辭簿領勤。過江雲滿路。到縣

妙年能致身。陳力復安親。不憚關山遠。寧辭簿領勤。過江雲滿路。到縣

海島隣。每嘆違心賞。吳門正早春。社子美詩敬簡王明府。葉縣郎官宰。
周南太史公。神仙才有數。流客意無窮。騷病思偏秣。鴈愁怕苦籠。看君用
高義。駐與萬人同。重簡王明府。甲子西南異。冬來只薄寒。江雲何夜靜。
蜀雨幾時乾。行李須相問。窮愁豈有寬。君聽鴻鴈響。恐致稻梁難。寄狄明
府博濟。梁公曾孫我姨弟。不見十年官濟濟。大賢之後竟陵遲。浩蕩古
今同一體。比者伯叔四十人。有才無命百寮底。今者兄弟一百人。百狄四
十叔。幾人卓絕東周禮。在汝更用文章為。畏兄白眉復天啓。汝門請從曾
公說。曾公即曾祖。太后當朝多巧計。狄公執政在末年。濁河終不污清濟。
國嗣初將付諸武。公獨廷諍守丹陛。禁中冊決詔房陵。前朝長老皆流涕。
太宗社稷一朝正。漢官威儀重昭洗。時危始識不世才。誰謂荼苦甘如薺。
汝曹又宜裂土食。身使門戶多旌棨。胡為飄泊岷漢間。干謁王侯頗塵詆。
况乃山高水有波。秋風蕭蕭露泥泥。虎之飢。下巉巖。蛟之橫。出清泚。早歸
來。黃汗人衣服。易昧。秋日荆南送石首薛明府辭滿告別奉薛尚書頌德
敘懷斐然之作三十韻。南征為客久。西候別君初。歲滿歸鳬舄。秋來把
鴈書。荆門留美化。姜被就離居。聞道和親入。岳名報國餘。連枝不日並。八
座幾時除。往者胡星索。恭惟漢網疎。風塵相瀕洞。天地一丘墟。駸瓦駕鸞

圻宮簾翡翠虛。鉤陳摧傲道。槍槩失儲胥。文物倍巡狩。親賢病拮据。公時
阿鞮鞬。首唱却鯨魚。勢偃宗蕭預。材非一范曄。屍填太行道。血走浚儀渠。
滏口師仍會。幽閼憤已據。紫微臨大角。皇極正乘輿。賞從頻峨見。殊私再
直廬。豈惟高銜霍。曾是接應徐。降集翻翔鳳。追攀絕衆俱。侍臣雙宋玉。戰
策兩穰苴。鑒散勞懸鏡。荒蕪已荷鋤。輶朱披述作。重此憶吹簫。白髮甘凋
喪。青雲亦卷舒。經綸功不朽。跋涉體何如。應訝航湖橘。常餐占野蔬。十年
嬰藥餌。萬里狎煎漁。楊子淹投間。鄒生惜曳裾。但驚飛熠燿。不記改蟾蜍。
烟雨封巫峽。江淮畧孟諸。湯池雖險固。遼海尚填淤。努力輸肝膽。休煩獨
起予。九日楊奉先會白水崔明府。今日蒲懷縣。同時陸復儀。坐間桑

落酒。

未把菊花枝。

天宇清霜淨。

公堂宿霧披。

晚酣留客舞。

危馬共並池。

王維詩

送方城韋明府

遠思茂美際。

寥落楚人行。

高鳥長淮水。

平蕪故

郢城。使車聽雉乳。縣鼓應雞鳴。若見州從事。無嫌手板迎。權德輿詩。甲子

歲元日呈鄭侍御明府

萬里烟塵合。

秦吳遂渺然。

無人來上國。

灑淚向

新年。世故看風葉。生涯寄海田。屠蘇聊一醉。猶賴主人賢。白樂天詩。海陽

秋懷贈許明府

霜紅二林葉。風白九江波。

暝色投煙鳥。

秋聲帶雨荷。

馬

閑無處出。門冷少人過。茵莢還鄉夢。依稀望闕歌。共思除醉外。無計奈愁

何。試問陶家酒。新篘得幾多。歐陽詹詩贈魯山李明府 外戶通宵不閉

關。抱孫弄子萬家閑。若將邑號稱賢宰。又是皇唐李魯山。皮日休詩送李

明府之任南海 五羊城在唇樓邊。墨授岳腰正少年。山靜不應聞屈鳥。

草深從使翳貪泉。蟹奴晴上臨潮檻。燕婢秋隨過海船。一事與君消遠宦。

乳蕉花發訟庭前。陸龜蒙詩 春晝之官直到秋。嶺雲深處凭欄樓。居人

愛近沉珠浦。候吏多來拾翠洲。寶稅盡應輸紫貝。蠻童多學佩金鈎。知君

不戀南枝久。拋却今冬白菊裘。羅隱詩 送丁明府赴紫溪任 金微玉

軫肯躊躇。偶滯長途半月餘。樓上酒闌梅折後。馬前山好雪晴初。樂公社

在憐鄉樹。潘令花繁賀板輿。縣譜莫辭留舊本。異時時度更何如。黃滔

御史集 贈宿松楊明府 溪上家家禮樂新。始知禹政異常倫。若非似水

清無底。爭得如水凜拂人。月狎聲和琴調咽。煙村景接柳條春。官遊兼得

道遙趣。休憶三吳舊釣津。寄宋明府 北闕秋期南國身。重關煙月五

溪雲。風蟬已有數聲急。賴在陶家柳下聞。贈鄭明府 庭羅衡吏眼看

山。真恐風流是謫仙。垂柳五株春煙婉。鳴琴一弄水潺湲。援毫斷獄登珠

考。駐樂題詩得出聯。莫起陶潛折腰嘆。才高位下始稱賢。寄湘中鄭明

府 縣與白雲連。滄洲向縣前。嶽僧同夜坐。江月看秋圓。琴拂莎庭石。茶

擔乳洞泉。莫就雲水興。疲倦待君痊。贈旌德呂明府。涯涯步數大門
姿。爭遣王侯不奉知。花作城池入官處。錦隨刀尺少年時。兩衙斷獄兼留
客。三考論功合樹碑。須信隔簾看刺史。錦章朱紱已葳蕤。韋應物詩送
唐明府赴溧水。三任縣事三爲百里宰。已過十餘年。抵嘆官如舊。旋聞
邑。屢遷魚鹽濱海利。薑蔗傍湖田。到此安民俗。琴堂又晏然。送榆次林
明府。無嗟千里遠。亦是宰王畿。策馬雨中去。逢人聞外稀。邑傳榆石在。
路繞晉山微。別思方蕭索。新秋一葉飛。張籍詩答劉明府。身病多時
又客居。滿城親舊盡相疎。可憐絳縣劉明府。猶解頻頻寄遠書。寄陸渾
趙明府。與君學省同官處。常日相隨說道情。新作陸渾山縣長。早知三
禮甲科名。郭中時有仙人住。城上應多藥草生。公事拂疎來客少。無妨著
屐獨閑行。送枝江劉明府。老著青衫爲楚宰。平生志業有誰知。家僮
從去愁行遠。縣吏迎來恠到遲。定訪玉泉幽院宿。應過碧磧早茶時。向南
漸漸雲山好。一路惟聞唱竹枝。李頻詩寄辛明府。何處無苛政。東南有
子男。細將朝客說。須是邑人諳。別業空經綫。歸田獨未甘。目凝煙積樹。心
貯月明潭。曉鼓愁方亂。春山睡正酣。不任啼鳥思。鄉社欲桑簷。贈同官
蘇明府。山中畿內邑。別覺大夫清。簿領分王事。官資寄野情。聞齊無獄

詔隱几向泉聲。從此青霄路。門人是去程。酬彭沅明府。孫弘間裏見
君初。衣錦南歸二十餘。莫嘆屈聲尤未展。同年今日在中書。送狄明府

赴九江。字人脩祖德。清白定聞傳。匹馬從秦去。孤帆入楚懸。關山寒食

雨。湖上暑衣天。四考兼重請。相知佳幾年。送台州唐興陳明府。見說

海西隅。山川與俗殊。官遊如不到。仙分即應無。瀑布當公署。天台是縣圖。

遙知爲吏去。有術字惺孤。送昌壽曹明甫。惠人須宰邑。爲政貴通經。

却用清琴理。猶嫌薄俗聽。漲江晴漸綠。春嶠燒還青。若宿嚴陵瀨。誰當是

客星。送德清喻明府。棹返雲溪雲。仍參舊使君。州傳多古跡。縣記是

新文。水柵橫舟閉。湖田立木分。但如詩思苦。爲政即超羣。韋莊詩新正

日。商南道中作寄李明府。相看又見歲華新。依舊楊朱拭淚巾。踏雪偶

因尋。戴客論文還比聚。星人。萬山不改十年色。洛邑長生一路塵。今日與

君同避世。却憐無事是家貧。贈雲陽縣裴明府。南北三年一解攜。海

島深谷岸爲蹊。已聞陳勝心降漢。誰爲田橫國號齊。恭客至今猶戰鶴。故

人何處尚驅雞。歸來能作煙波伴。我有漁舟在五溪。酬張明府。愛君

詩思動禪心。使我休吟侍鶴鳴。更說郡中黃霸在。朝朝無事許招尋。宋

之問詩。送合宮蘇明府。鉉府誕英規。公才天下知。謂來羔鴈族。繼入鳳

風池赤縣求人隱。青門起路岐。崔迴車少別。鳬化馬遙馳。神哭周南境。童歌豫北垂。賢哉荀奉倩。衮職佇未儀。送武進鄭明府。絃歌試宰日。城

闕賞心違。北謝蒼龍去。南隨黃鵠飛。夏雲海中出。吳山江上微。叱咄豈云遠。從此慶緇衣。軍中人日登高贈房明府。西郊日夜陰風斷。頻覺朝

來陽候暖。涇水橋南柳欲黃。杜陵橋北花應滿。長安昨晚寄春衣。短翮登茲一望歸。聞道凱旋乘驛騎。看君走馬見芳菲。盧綸詩送朝邑張明府

千室暮山西。浮雲與樹齊。割解雲落紙。擁吏雪成泥。野火蘆千頃。河田水萬畦。不知琴月夜。誰得聽烏啼。晚次新豐北野老家書事呈贈韓質

明府。機鳴春響日。瞰瞰雞犬相和。溪古村數。泓清泉黃菊盛。一林寒露紫。梨繁衰翁正。席矜新社。稚子齊襟讀古論。共說年來但無事。不知何者是君恩。送菊澤王明府。組紱掩衰顏。輝光里第間。晚涼經灞水。清晝

入商山。行境逢花發。彈琴見鶴還。唯應理農後。鄉老賀君閑。送樂平苗明府。累職比柴桑。清秋入楚鄉。一船燈照浪。兩岸樹凝霜。亭吏趨寒霧。山城欲曙光。無辭折腰久。仲德在鸞行。司空曙詩送樂平苗明府。天

際山多度。求安古邑深。綠田通竹里。白浪隔楓林。詩有江僧和。門唯越客尋。應將放魚處。二境表吾心。送永陽崔明府。古國羣舒地。前當桐栢

尋。應將放魚處。二境表吾心。送永陽崔明府。古國羣舒地。前當桐栢

閩煙綿江上雨雲疊楚南山沙館行帆惜楓洲候吏還來藍若有暇精舍
在林間送荊潭王明府業成洙泗客皓髮著儒衣一與遊人別仍聞

帶印歸林多宛地古雲盡漢山稀吳愛潯陽隱嫌官計亦非韓湘詩送

陳明府之淮南年華近過清明落日微風送行黃鳥綿蠻芳樹紫駟蹏

蹏來城花間一杯促膝烟外十里含情應度淮南信宿諸侯擁旆相迎

贈別成明府赴劔南朝為三室印晚為三蜀人遙知下車日正及巴山

春縣道摘花裏驛樓江水濱公門無事賞地能相親解衣初醉綠芳夕

應採躑鴂薦佳客霽光遠映西川時聞望碧雞飛古祠愛君樂事感興廢

天外銅梁多夢思送金華王明府縣舍江雲裏心閑境又偏家資陶

令荊月俸沈郎錢黃蘗香山路青楓暮雨天時聞引車騎竹外向銅泉

送別鄭明府長頭大吳鬢如雪早歲連兵劔鋒折千金盡去無斗儲雙

袖破未空百結獨應郊扉已十春高陽酒徒連此身路傍誰識鄭公子谷

口因知溪逸人兒女相悲探井日前功豈在他人後勸君不得學淵明且

策驢半辭五柳送齊明府赴東陽綠綠帆綽挂高樺過盡淮山楚水

長萬里移家背春穀一官行府向東陽風流好愛杯中物豪蕩仍欺陌上

郎別後心期如在眼猿聲煙色樹蒼蒼寄雍丘賈明府少年結綬聘

金羈許下如看瓊樹枝。八里觀過助陵伯。出門高視潁川兒。西遊大府東
來傳。酒上諸侯誰不美。時草寧將白筆期。高流竚向丹青見。何事翻飛不
及羣。虎斑突騎未紛紛。吳江岳釣楚山醉。身寄滄波心白雲。中歲胡塵靜
如掃。一官又罷行將老。薛公薦士得君初。即領黃金千室餘。檄盡獨親沙
上鳥。家貧惟愛釜中魚。憶君與我為知己。已步出重門。烟樹裏。感物吟詩對
暮天。懷人倚仗臨秋水。別離幾日。門前期鳴鴈。亭邊人去時。獨坐不堪朝
與夕。高風蕭索亂蟬悲。別李明府。龍光五世腰青組。出入珠宮引簫
歛。醉舞雄王玳瑁床。嬌嘶駿馬珊瑚柱。胡兒夾欵越婢隨。行捧玉盤嘗荔
枝。羅山道士請人送。林邑使臣調象騎。愛君一身遊上國。闕下名公如舊
識。萬里初懷印綬歸。湘江過盡嶺花飛。五侯煢石烹江笋。十戶沉香染
客衣。別後相思難可見。蒼梧雲裏空山縣。漢苑芳菲入夏蘭。侍君彰日蒲
葵扇。兗州送李明府使蘇州使赴吉期。莫言水國去迢迢。白馬吳門
見不遙。楓樹林中經楚雨。木蘭舟上蹋江潮。空山古寺千年石。草色寒埃
百尺橋。早晚盧家蘭室外。珊瑚玉珮徹青霄。送李明府連州。萬里迴
南湘。孤舟入桂陽。諸侯迎上客。小吏拜官郎。春服種花細。初筵木酌香。看
承雨露速。不得荔枝香。送田明府歸終南別業。故園此日多心賞。憲

外流泉竹外雲。近館因逢沈道士。比隣自識下田君。離宮樹影登山見。上苑鍾聲過雪聞。相勸早移丹鳳闕。不須長戀白鷗羣。送李明府赴滑州。

渭城寒食罷。有客歸東道。烏帽背斜暉。青驄踏春草。酒醒孤燭夜。衣冷千山早。去事沈尚書。應憐詞賦好。方玄英詩登新城縣贈蔡明府楊

震東來是宦遊。政成登此自消憂。草中白道穿村去。樹裏清溪照郭流。陂目四山宜永日。開襟五月似高秋。不知縣籍添新戶。但見川原桑柘稠。

贈隣居素明府。隔竹每呼皆得應。二心親熟吏如何。文章鍛鍊猶相似。羊齒參差不校多。雨後卷簾看越嶺。更深欹枕聽潮波。朗吟幸得同醒醉。

遮莫光陰自下坡。湖上言事寄長城喻明府。吟霜與卧雲。此興亦并貧。吹箭落翠羽。垂絲牽錦鱗。一作莫。葦蕪菰米。垂絲釣。錦鱗。滿湖風撼月。

半日雨藏春。却笑繁簪組。勞心字遠人。送汶上王明府之任。何時到故鄉。歸去佩銅章。親友移家盡。閭閻百戰傷。背關餘草木。出塞足風霜。遺

老應相賀。知君不下堂。貽錢塘縣路明府。志業一作志學不得刀。至今猶苦吟。吟成五字句。用破一生心。世路屈聲遠。寒溪恣氣深。前賢多晚

達。莫怕鬢霜侵。與清溪趙明府。清規暫起府。獨立與誰親。遂性無非酒。一作。解。求。閑。却。愛。貧。林。泉。應。入。夢。印。綬。莫。留。人。王。事。聞。多。暇。吟。未。幾。首。